

民國新脩合川縣志

卷□

合 民

川 國

縣 新

志 濟

民國新修合川縣志冊數總目

第一冊 圖經形勢上 測繪坵官銜 凡例 卷一

第二冊 圖經形勢下 卷二

第三冊 圖經建置上 卷三

第四冊 圖經建置下 卷四

第五冊 譜大事 卷五

第六冊 譜官師民選舉 民獻 卷六之八

第七冊 譜士族上 士族下 卷九之十

第八冊 譜邦媛 卷十一

第九冊 掌錄戶口土物賦稅 卷十二之十四

第十冊 掌錄征權上倉儲農業 卷十五之十八

第十一冊 掌錄蠶業中蠶業下一 卷十九之二十

第十二冊 掌錄蠶業下二工業 卷二十一之二十三

第十三冊 掌錄礦業警政會議會學務 卷二十四之二十八

第十四冊 掌錄公善典禮上 卷二十九之三十

第十五冊 掌錄典禮中下 卷三十一之三十二

第十六冊 掌錄藝文一藝文二 卷三十三三十四

第十七冊 掌錄風俗金石 卷三十五之三十六

第十八冊 傳名宦一下上名宦二 卷三十七之三十九

第十九冊 傳名宦三鄉賢一下上 卷四十之四十二

第二十冊 傳鄉賢二鄉賢三 卷四十三之四十四

第二十一冊 傳鄉賢四五 卷四十五之四十七

第二十二冊 傳鄉賢七 八列女一

第二十三冊 傳列女二 八列女一

第二十四冊 傳列女三 流寓四闕列女五 卷五十二之六十

第二十五冊 傳前志 序傳下 卷六十一之六十三

第二十六冊 傳星野名勝 古蹟 卷六十四之六十八

第二十七冊 餘編古體詩 卷六十九

第二十八冊 文在近體詩 卷七十

第二十九冊 文在賦考 裸文 論辯 卷七十一之七十四

第三十冊 文在序跋 卷七十五之七十六

合川縣志目錄

第三十册 文在書書箸說 官記文書碑誌制傳狀 卷七十七之八十三

合川縣志目錄

民國新修合川縣志題名

倡修籌款員

前 合 川 縣 知 事 鄭賢書 東川

繼續籌款員 以先後為序未籌款者不與

前 合 川 縣 知 事 吳國琦 江次

前 合 川 縣 知 事 陳世虞 巴嘯

合 川 縣 知 事 王鑑清 成海

贊議籌款員

前 合 川 縣 視 學 黃鴻烈 蕪江

合 川 縣 會 議 長 左尙勤 合善

四川省議會議員前合川縣縣會副議長 王承勛 合顯

合 川 縣 議 會 議 員 合川

主辦兼總纂員

四川總司令部參議 清賞三等商勳四品頂戴 張森楷 石川

協纂兼分纂總校採訪主任員

合川縣志題名

前 清 甘 肅 試 用 縣 丞 歲 貢 生 李昌運 合時

分 纂 員

前 清 拔 貢 生 杜述言 合小

前 清 拔 貢 生 黃道中 合時

前 清 覃 恩 孝 廉 方 正 廩 生 唐尙斌 合樹

前 清 江 西 試 用 縣 丞 廩 貢 生 徐邦瑛 合晴

前 清 歲 貢 生 張炳炎 合顯

李昌

前 清 增 廣 生 員 丁燦緯 合叔

前 清 附 學 生 杜紹凱 合子

下 川 南 道 教 育 科 長 盧 思 合作

存 古 學 堂 畢 業 生 向國華 合靖

五里採訪員 計字受酬者不與

前 清 中 江 縣 儒 學 訓 導 乙 酉 科 舉 人 莫致中 合道

前 清 甘 肅 試 用 知 縣 歲 貢 生 蔣鴻燾 合叔

前 清 歲 貢 生查宗道合治川平

張 喬合靖川休

李昌運

杜述言

唐尙斌

總司令部參事前清附學生耿文淵

前 清 附 學 生劉行敏合江川陵

合 川 縣 中 學 校 畢 業 生魏子音合以川字行

前 清 廩 膳 生 員苟汝寬合裕川生

前 清 廩 膳 生 員龐武廬勝峰

前 清 附 學 生 龐鑫鎔合正川仲

前 清 附 學 生 戴崇德合孟川肅

前 清 附 學 生 張合希川白

前 清 太 學 生 李鴻漸合佐川臣

布 衣黃 鏞合笙川陔

布 衣華 瑞合巨川卿

布 衣匡輔予合以川字行

布 衣秦休光合楚川白

專任逡譯金石員

前 清 太 學 生 杜作舟合雲川颿

專任采訪山水員

布 衣 李定光合純川修

專任測繪輿圖員

前 四 川 省 署 技 正 日 本 土 木 科 畢 業 生 黎光筠武致勝平

合 川 縣 中 學 校 畢 業 生 陳維瑛合紫川石

四 川 民 立 實 業 中 學 堂 修 業 生 張傳煥合仲川章

校 勘 員

合 川 縣 中 學 校 畢 業 生 胡紹果合伯川毅

李昌運

合 川 縣 中 學 校 畢 業 生 胡紹果合伯川毅

李昌運

李昌運

李昌運

李昌運

膳錄員

合川縣中學校畢業生湯仲德以字行

布衣陶宗海合川

布衣何潤伯合川

督梓員

工頭蔣忠文輝廷岳池

管款員有侵蝕劣蹟者不與

前清警察署員附學生譙鴻淵卓川哉

前四川省會議員附學生胡作荃蘭川先

前合川縣商會商總左鳴鶴精業川

會計員

前廣漢縣實業所所長四川通省農業專門學校畢業生張曉清以字行

陳維瑛

民國新修合川縣志凡例

一方志之作章學誠氏謂所以備國史要刪當用史法行之所撰方志立三書議以仿正史紀傳之體而作志仿律令典制之體而作掌故仿文選文苑之體而作文徵爲必要見地正大持論名通洵爲志家軌範惟在帝制時代習見歷史體裁以紀爲經以傳爲緯故立皇言恩澤二紀於圖表前以示尊君立政略於傳前以系官民之統既非民國所宜又不肯認方志但爲輿地專書而必躋於國史之列特立志體比於史家大有納須彌於芥子之意因而不免坳會時涉拘牽實則邦國之志掌於小史四方之志掌於外史具見周官經文固與大史內史異撰必以史法作志殊嫌國小地僻不足回旋且亦如積石導河未能上溯星宿海也今推本於經義仍以方志爲史之一部而不全用史體爰展拓章氏三書之界而變通之分立圖經譜掌錄傳狀餘編文存序目七門爲新修合川縣志大綱期於分別部居整齊故事網羅放失無濫無遺面目略異史書淵源純出經訓庶幾探源泰始冀得其真不至全落近代方志科臼

合川縣志 凡例

一

一合川自漢爲縣至隋而郡而州沿及前清州名弗改有無志乘前未之聞宋任逢有合州墊江縣志序一篇當爲初修合州志之始清初鄒孝廉珩藏有州志數帙不著誰撰乾隆十三年宋錦乃搜集之五十三年張乃孚等重修光緒二年程業修等續修舊志僅存傳者蓋寡固以年代差遠抑亦帝國陳編民國初元革府州名肇改今縣事若近乎復古制實趣於維新縣志之修自當順循潮流無宜奉行故事但思舊邦新命之義應有準今酌古之裁則專注其精神以發皇乎耳目者詎僅此六七年間事實而已蓋自有志以來至於光宣之際其文其事無論舊志已載或不及載均應逐一蒐羅分類排纂而一以新意貫之新法繩之命曰新修唯其宜爾非遂吐棄舊文獨標新異也

一左圖右書學者通例推原圖祖夏鼎實先固不獨於輿地爲然要以與圖尤重故周官職方氏既掌天下之圖司會復於郊野縣鄙掌其書契版圖之貳而蕭何入關先收秦圖籍以知天下戶口阨塞遂開漢業爲世重也由斯以論圖學宜遂大顯而南宋之季鄭樵作通志

圖譜略乃自謂其學爲獨得之秘一若此千餘年間初無圖焉存者何哉毋亦有如章氏所譏僅止抹月批風模山範水徒工繪事無當史裁或僅襍廁序目凡例之間不爲立說命名釐定篇次之二弊也今特於圖經門列全縣疆域城鎮鄉區壇宇祠廟廳署局所公會校地山經水道關砦團保堤堰津梁建置沿革十四目目各爲圖而繫以說竊取古人圖經之義對於其他相爲經緯與吳郡圖經宣和奉使高麗圖經名其全書者微不同云

一史記十表昉自周譜年經事緯斜上旁行文損事增端必由此通志有作乃還譜名非苟相高實取通變蓋以班氏百官之表篇首歷序官制兼有志體而專以表名律歷之志篇中排列三統確似表文而仍在志類莫爲驛騎幾亂野區若以譜稱則年系世系皆可貫穿橫行直行不妨出入於事至便於義較通今特立譜門列大事官師選舉士族民獻邦媛六目目各有類彙爲之譜或系以年或系以世或系以事不主一格唯其適也

一經常政典史別爲書班范而還通謂之志類挈綱要無取瑣繁攷獻

合川縣志 凡例

二

徵文大畧可數其人民生計鄉里土風教化文學禮儀俗尚志有不賅則更立爲貨殖游俠刺客儒林文苑等類傳以足成之若叔孫朝儀韓信軍法蕭何律令章程等則委曲繁重非史能容有目無書付諸蓋闕所謂籩豆之事則有司存史有別裁道固如是若求之於周禮則當各有專官典守世代相傳卽有徵求取諸掌錄識小識大舍是莫由通典會典要國計簿書其選也近世志家病其繁蕪凌襍近似吏胥案牘議從芟蕪以斬高潔斯苟簡矣今特於掌錄門列戶口土物農業蠶業工業商業礦業賦稅征權倉儲政法團警議會公善典禮學務藝文風俗金石十九目目各錄最雖不能至纖至悉而人官物曲之名物器數足以備掌故資行事者具有攷焉

一名人列傳歷史通規志爲史資誼豈有異拘儒橫議乃謂職非史官不得爲人立傳或者病之遂避不敢僭史舉凡統志分志所采人物事實多大書其姓名而小注行略於下微似類書絕非傳體以云與史相避不知傳者傳也傳述其事蹟也對於史之傳用之傳者轉也轉授其訓詁也對於經之傳用之諸子文集間亦模仿必以志作傳

爲僭史其如子集之傳何且何以解於公穀非史官而爲傳也章氏所撰和州亳州永清縣志一律列傳得史體矣茲兼稱傳狀則以序列諸人非必皆宜有傳僅憑行述事狀或不能無溢美之詞故姑從狀以待論定耳所列名宦鄉賢方術列女闕訪前志流寓七目仍祇爲傳不稱列引嫌也不稱狀辟不敏也

一志材鴻博遺落非宜要有取裁斯不濫廁今於舊志原有之星野名勝古蹟祥異叢談等類一屏不錄揆之史法固無間然在鄉言鄉似猶缺點抑思星行有定豈任坐分九野自專外人何有西南僻遠勝亦無名八景相夸適成俗陋皇古三代蹟未有聞漢唐遺蹤乃殊寥落而五行怪事三戶荒言尤不雅馴宜絕智口必欲好奇嗜瑣並蓄兼收祇自誣污何裨觀念但以十口所述謬語丹青巷議街談采風不廢旣非全用史例當可采摭畧竊比稿草長編猶待博觀約取命曰餘編亦過而存之一道也特刊削雖可惜橫陳則不倫倘如紫鳳天吳一無條理人得勿視此爲龍蛇之菹乎今於餘編門補列上陳五目藉備遺忘雖不敢比經之別解史之附錄子之外編其亦

藥之搜渤之類與

一孔子言禮文獻並徵文之不存徵於何有如謂方志所重惟在土地人民政事不必與於斯文則有廿四史九通而文選文粹文鑒文類文在諸編皆可以不作矣得勿言之不文行而不遠與特自明楊慎氏選全蜀藝文志謬以選錄之政冒流略之名風行一時家奉圭臬後志有作十九同然殆無復知藝文志爲何等撰著者嘻其慎矣今依劉班之舊以各部書目悉歸藝文掌錄其樞山範水懷古題名記事紀遊贈序誌墓壽言別傳之作則用富順縣志例散入于圖經掌故傳狀諸門以資攷證而崇論閎議逸致閒情足以樹幟藝林非必全關國故者則用吳門總集例撰爲合川文在略以詩賦論箸序記書牘襍文八目爲次期符章氏方志三書之議若尋常酬應浮夸貢諛概付闕如免滋蕪穢或在國士之倫未有傳世之集吉光片羽僅比孤行失今不傳後遂湮滅特寬其格一二拾存文以人傳它不爲例其並世之士可傳之文卽有采登悉從附錄以示區別且俟後來者之甄擇焉

一書終自序論孟居宗莊荀繼之遂及班馬宋魏北史猶有嗣音隋唐
官修乃爾寂寂迄今千載此調不彈獨司馬公資治通鑑別編目錄
與本書並行雖匪正史序傳之流要亦尙書詩序之亞今特仿之爲
序目門專明此志之文根据官禮而參以史法雖不純用史體一以
史義衡之所有門目其本柢所在各具當篇而所爲增損分合去留
之由則自爲類例獨斷於心卽未能遂成爲一家言而采訪務得其
眞敘述務從其潔猶庶幾可以自信其諸集眾長以成一體者與目
錄仿涑水之例分別時地爲編用便稽檢全書不更別分子目避冗
也

采訪條例

一 大事譜以關繫本縣土地人民政事掌故者年經事緯逐照登錄但須注明所出載籍或文牘爲憑^甲

一 官師譜自舊志箸錄外所有續任知州吏目教諭訓導把總貨鹽釐局總辦委員及知事典獄警佐徵收統捐局員姓名籍貫任履分別正任署事代理權限及到任卸事年月有無政績及其他事故並据案牘文字注明所出科房^{凡憑案牘文字皆同此例後不更注} 丁

一 選舉譜自舊志箸錄外所有歷科優貢拔貢副榜武舉舉人進士庶吉士等姓名履歷須憑各自刻之行卷或貢舉題名錄方無譌誤^丁

一 士族譜自進舉以下貢監以上而能父子傳衍或兄弟繼承之族姓又能立祠修譜力敦雍睦者得采其世系事狀入譜以示旌異其畢業中校以上者同但須以有祠譜爲限^甲

一 民獻譜即舊志孝友忠義隱逸文學等類之總括名詞不拘品流科第凡自布衣以上苟有一德可稱一長足錄皆可采登若於舊志有所拾補必須註明載籍出處以示有徵^乙

合川縣志 采訪

一

一 邦媛譜即舊志之孝貞節烈婦女僅有名氏而事跡缺畧或雖有事蹟而庸行無奇礙難悉爲作傳者采其姓名事實經過年月己未旌表畧依時代逐格登入其賢明才良諸媛亦並列之惟須限於己故之人生存不錄^乙

一 戶口掌錄須於舊志箸錄之外博攷歷史通典統志等書詳查統計局民事科所有烟民冊籍並原報各區選民之數按照文牘詳悉注明^丁

一 賦稅掌錄自舊志箸錄外須就民事科徵收局檔冊查明前清地丁分徵銀數併丁於地後合徵銀數軍興以來加徵津貼捐輸賠款銀數及改徵國家地方正副稅銀數並設經徵徵收課局原規具采文書案牘不厭求詳^丁

一 土物掌錄須分土色土質土性及穀蔬草木花果藤竹藥材等植物鳥獸蟲魚等動物金銀銅鐵錫鉛錒鎳硝磺煤炭等礦物各種逐一詳記名品性質及栽培畜養收采諸法卽爲本縣特產作爲標本圖畫尤佳^甲

一征榷掌錄須分鹽茶百貨三宗就民事科徵收局統捐局查明課引釐金原額及招商歸丁辦法並改設經徵收統局加徵菸酒肉釐暨坵帶地方襍捐原規各項解存額銀數目應支廉俸役夫及其他經費坵之蠲恤寬典亦並見焉_丁

一倉儲掌錄須分在官之常平廣濟監倉在民之積穀社倉兩宗各詳徵其積貯散放利息收還章程及其報銷餘存撥濟實數並保倉田穀款項所在暨由官監盤交代查核委用之法俱照檔案登錄_丁

一農業掌錄須分農田農時農具農產農占驗農宜忌農疾苦等類各詳攷其本縣所有而利用者新設農會農事試驗場原規亦坵見焉畜牧漁獵業物坵之_甲

一蠶業須將舊日種桑養蠶產絲狀況及集合民股勸立蠶桑公社講求蠶學以後改良桑種蠶種繅絲復繅辦法先後增益絲產絲製情形中間涉訟交代案由暨荒落不振歸併復興事狀所有公社原章蠶務局簡章遵令籌款清償股債情形並詳及之

一工業掌錄須分舊有之民辦菸酒油糖陶紙等植物金石土木雕朽等技藝及官設之勸工習藝等場合並新添之製絲復繅磨麪等手工或機器等類各詳查其興替狀況以便將來振作有資_甲

一商業掌錄須就水陸行坐各商判別其生利分利之類各詳具其盛衰狀況以知人心好尚卽卜其業有無發達原設商務總會分會及公斷處最爲此業滙歸所有原規遞嬗現狀均須逐一記錄_乙

一礦業掌錄舊志不著須就東里永里有礦各山詳探其影苗所在定爲何種礦質曾否開采能否進行不拘金銀銅鐵錫鉛銻硝磺煤炭之礦一律指明以俟來者_甲

一政法掌錄須將舊有之知州吏目學正訓導把總品級職掌新設之知事典獄及例兼之初地審檢廳看守所命令章程並其所有之科員雇役職務暨狀式判詞訟費等經額逐一詳載其各科書吏民壯快捕代書與民刑事科書手雇員寫生緝捕隊之沿革坵焉_丁

一學務掌錄須將舊有官立公立私立之書院義塾鄉學原規遞嬗變革之由及其薪俸課獎經費逐一查明並將新改之中師高小農女各校額設之視學勸學學董職教諸員暨其支拂各款据實詳載教

育會閱報社等例得埵見_丁

一團警掌錄須將舊有之營汛保甲團練堂勇等名額薪俸及改變之城防團防保安營警察警備隊分合遞嬗之因由現在聚散之狀況逐一詳記其提款購買鎗枝之數亦埵及之_丙

一議會掌錄須將前清縣城鎮鄉自治會之區域職員事權經費與民國初之縣城鎮鄉議會遞嬗變革停擱之故及其經費之是否存在有無贏虧逐一登記備攷_丙

一公善掌錄須將原有之六政三費兩益賓興書院育嬰恤嫠澤骨棲流濟貧孤寒幼孩養濟平糶等局之原規遞嬗變革之由並其經費所出產業所在一一訪查登載_丁

一典禮掌錄須將原有官員之到任謁廟閱城封印迎春接詔舉哀民間之嫁娶喪葬官民共同之祭祀樂舞諸儀注及新頒之祀天祀孔祀關岳諸節文並其器數章服牲物經費逐一詳載_丁

一藝文掌錄須研究七畧四部之著錄法采取本縣古昔名人撰著分類登入仍依劉阮陳紀之例畧攷撰人仕履及其書中大旨提要鈎元作為解題以期守先待後其生存人所著則低一格埵錄各部之末_甲

合川縣志 採訪

三

一風俗掌錄須將舊志所登及所遺漏采掇故書分類補錄仍將現時之風尚忌諱逐一詳記而以方言謠諺埵之_乙

一金石掌錄須將城鎮鄉區著名_{如書岩雲門定林寺龍寺等}之摩岩題名鐘鼎碑碣窮搜博訪雇工摹拓略依金石苑例記

明高廣尺寸分別篆隸行楷詳著於篇統以前明為斷前清及生人著作別埵文存不入此門_甲

一名宦鄉賢列女三傳即就譜系門之官師科第民獻邦媛等類事蹟較為出色者特別立傳不更採訪

一方伎傳係合陰陽五行醫卜星相書畫琴相道釋神仙女尼冠子為一名詞非如班志之限定四類也須依馬范舊例采掇方案事蹟真實不謬者乃予登錄否則任缺勿濫_甲

一闕訪傳係著名之人事蹟不詳或傳聞可疑者特彙錄一傳比三國志附楊戲輔臣贊之例略登梗概留待後人

一前志傳係將舊志序例目錄及撰著人之事蹟履歷詳采備登示不
蔑古

一流寓傳自舊志箸錄外須選擇其有名當世及所留遺詩文事蹟卓
然可傳者乃予登錄切勿牽摭附會貽人鶻突之譏^甲

一餘編卽就所削除舊志之星野名勝等五目事文還歸此門不更采
訪或有近人說部於志可備參攷間亦采登一二藉示葑菲不遺^丙

一詩文除切于本縣掌故之作已散坵各門外其當時後世利弊所繫
及風俗人心所關崇論閎議不可以地限者略依前目所列分類采
之或本有盛名流傳已罕雖非上乘亦得采登

測繪條例

一縣以治城爲主須就知事署測明經緯度數定在京師偏西若干距東川道尹駐所里數幾何卽以此爲輿圖起點專

一腹地須上測天度中測鳥道下測人行路以開方計里城鄉一律有變通或不用者特別說明專

一邊地須按定四正四隅畫清鄰封疆界或方隅不正確卽用羅針二
十四向或兼針定之專

一疆域全圖須按舊有本城興仁來蘇永清明月東西等里名目按照里甲分清界限後開各項分圖均令納於其中專

一城區圖須將門樓街巷壇宇祠廟廳署局所學校園亭公善會場逐一測繪用方里或放大全圖百分之十分以外郭爲限專

一壇宇祠廟廳署局所學校園亭公善會場須各自爲圖而具詳其門庭堂廡規畫制度以尊祀與而重公庭其地點所在具見城區圖不復聲明亦不用方里式專

一鎮鄉區圖須各劃明四至界限凡區內場市道路山水關津古蹟名

合川縣志

測繪

一

勝俱按方向里數詳細記注專

一山經圖須認定主山從何方位入手隨其起伏氣脈分別枝幹循行至山盡而止不拘鎮鄉之限專甲

一水道圖須就該水緊接鄰封交界處地名入手沿流而下分別方向記注里數至合他流或出縣境而止其有溪流來會不拘大小竟委窮源循支及幹至所出源頭乃已不以鎮鄉爲限津梁隄堰埭專甲

一砦堡團甲圖須各就其所在山岡平原之地按照距離里數逐一註明以知有無形勝是否險要可否拒守能否進攻取足守望之用不分城鎮鄉區專

一校地圖須各就所在之城鎮鄉區記明地名里數分別男女師中高小農蠶等目逐一詳載以全縣爲界專

一建置沿革圖須按唐宋五朝州屬各縣疆域畧爲界畫俾知舊合州界不特與漢墊江縣今合川縣不同亦與清之合州疆境有異唯不開方計里以示闕疑甲